

**MEĐUNARODNA KOMISIJA ZA NESTALE OSOBE
PROGRAM ZA ZAPADNI BALKAN**

**OTVORENI POZIV ZA UDRUŽENJA PORODICA NESTALIH OSOBA I ORGANIZACIJE CIVILNOG DRUŠTVA
(OCD) IZ BOSNE I HERCEGOVINE ZA DOSTAVLJANJE PROJEKTNIH PRIJEDLOGA ZA DODJELU
ICMP-OVIH MALIH GRANTOVA**

ZAPADNI BALKAN (2025-2026)

DATUM OBJAVE: 30. oktobar 2025. godine

DATUM ZATVARANJA: 30. novembar 2025. godine

**I. PROGRAM DODJELE MALIH GRANTOVA MEĐUNARODNE KOMISIJE ZA NESTALE OSOBE
(ICMP)**

Međunarodna komisija za nestale osobe (ICMP) poziva udruženja porodica nestalih osoba i organizacije civilnog društva (OCD) da se prijave na konkurs "Dodjela malih grantova za udruženja porodica nestalih osoba i organizacije civilnog društva iz Bosne i Hercegovine za 2025. godinu".

ICMP je nezavisna, međunarodnim sporazumom utemeljena organizacija s preko 20 godina iskustva u više od 40 zemalja. Jedina je međunarodna organizacija čiji je zadatak isključivo rad na pitanju nestalih osoba. Pomaže zvaničnim organima vlasti u osnivanju institucija na temelju vladavine zakona, koje će uspješno i nepristrano tražiti i identifikovati nestale osobe. Podržava sve aktivnosti koje porodicama nestalih omogućuju ostvarivanje svojih prava.

II. O ICMP-ovom PROGRAMU ZA ZAPADNI BALKAN

ICMP na području zapadnog Balkana podržava regionalnu saradnju u traganju za nestalim osobama; efikasno radi na jačanju razvoja i međusobne saradnje organizacija civilnog društva, ali i njihove saradnje s vladama i domaćim nadležnim institucijama u regiji. Pokrenuo je primjenu najsavremenije tehnologije za analizu DNK i naprednih informatičkih rješenja za baze podataka u svrhu pronalaženja i identifikacije velikog broja nestalih osoba. Do danas je pronađeno i identifikovano više od 70 procenata od oko 40.000 osoba čiji je nestanak prijavljen po okončanju sukoba na području zapadnog Balkana.

III. ICMP-ov PROGRAM ZA DODJELU MALIH GRANTOVA

Putem Programa za dodjelu malih grantova, ICMP pruža finansijsku pomoć udruženjima porodica nestalih osoba i organizacijama civilnog društva registrovanim u Bosni i Hercegovini u svrhu provedbe projekata koji uključuju ciljeve, pristupe, aktivnosti i sadržaje usmjerene na:

- Promoviranje i podržavanje aktivnog, nezavisnog, konstruktivnog i održivog učešća porodica nestalih osoba u procesu;
- Davanje doprinosa u procesima vraćanja pravde i osiguravanja pune kompenzacije za žrtve i preživjele;

- Poticanje saradnje između grupa preživjelih/žrtava bez obzira na sektaške, političke, etničke, religijske i sve druge razlike, kao i promoviranje nepristranih i nediskriminatornih pristupa rješavanju pitanja nestalih osoba; i
- Promoviranje odgovornosti i transparentnosti u procesu pronalaženja nestalih osoba, podržavanjem dijaloga i saradnje na rješavanju pitanja nestalih osoba između grupa koje okupljaju preživjele/žrtve i državnih institucija.

IV. OBLASTI PODRŠKE

Projekti i aktivnosti čije je finansiranje predviđeno Programom dodjele malih grantova moraju biti u vezi s ulogom i izazovima s kojima se suočavaju porodice nestalih u Bosni i Hercegovini i trebaju biti usmjereni na najmanje jedan od sljedećih ciljeva:

- Podizanje svijesti i upoznavanje javnosti vezano za pitanje nestalih osoba;
- Zagovaranje i lobiranje kako bi se osigurala puna primjena postojećeg zakonodavstva i ostvarivanje prava porodica nestalih;
- Osiguravanje održivosti i domaće odgovornosti nad procesom traženja nestalih osoba u BiH, u skladu s principima vladavine prava;
- Jačanje pravnih osnova, organizacijskih struktura, upravljačkih ili operativnih kapaciteta organizacija;
- Uvođenje inovativnih pristupa i rješenja s ciljem povećanja efikasnosti procesa traženja nestalih osoba u BiH.

Projekti koji kao primarni cilj imaju obradu ličnih podataka u vezi s nestalim osobama ili njihovim srodnicima ili projekti fokusirani isključivo na pružanje psihosocijalne podrške porodicama nestalih neće biti razmatrani u okviru ovog poziva.

Prihvatljivi troškovi: kako bi se osiguralo organizacije provedu aktivnosti i ostvare prethodno pomenute ciljeve, odobravaju se sljedeći troškovi:

Programski troškovi	Svi troškovi u vezi s konkretnim programom, projektom ili aktivnostima koje nisu dio tekućih troškova organizacije, npr.: konsultanti, prevoz učesnika, obroci, smještaj, najam prostorija, ozvučenje, usluge i štampanje, materijali za događanja.
Organizacijski troškovi	Svi izdaci koji pokrivaju tekuće troškove funkcionisanja korisnika granta kao organizacije ili udruženja; uključujući plate, socijalno osiguranje ili uredske troškove konsultanta, opremu, materijale, putne troškove za zaposlene (do 30 procenata ukupnog iznosa granta).

V. IZNOS GRANTA, PRIHVATLJIVOST, DOSTAVLJANJE I DODJELA

- Podnosioci zahtjeva mogu tražiti iznos od 3.000,00 eura do 5.000,00 eura.
- ICMP će uvažiti prijave koje organizacije podnesu samostalno, ali posebno ohrabruje zajedničke prijave dva ili više podnositelja prijave. Za zajedničke prijave mogu se tražiti iznosi veći od unaprijed utvrđenih limita, a takvi prijedlozi će biti razmatrani u zavisnosti od

dostupnosti sredstava, što će, zauzvrat, zavisiti od ukupnog kvaliteta svih podnesenih prijava.

5.1. Ko može aplicirati?

Udruženja porodica nestalih osoba i organizacije civilnog društva:

- ✓ Koji su pravno registrovani kao neprofitne organizacije civilnog društva u Bosni i Hercegovini;
- ✓ Koja imaju dokazano iskustvo u provedbi projekata;
- ✓ Koja imaju dokazano iskustvo dobrog finansijskog upravljanja (dokazano kroz izradu godišnjih finansijskih izvještaja);
- ✓ Koja prijavljuju projekte direktno vezane za pitanje nestalih osoba.

ICMP će uvažiti prijave koje organizacije podnesu samostalno, ali **posebno ohrabruje zajedničke prijave dva ili više podnositelja prijava.**

Prijave se dostavljaju na ICMP-ovim obrascima, popunjenim na engleskom ili bosanskom/ hrvatskom/ srpskom jeziku.

5.2. Rok za dostavljanje projekta: 30. novembar 2025. godine

Obavještenja o rezultatima procesa selekcije očekuje se okvirno **u decembru 2025. godine.** Predviđeni početak provedbe projekata je nakon potpisivanja ugovora o dodjeli grant sredstava, a njegovo trajanje **ne može biti duže od 6 mjeseci.**

Pozivaju se organizacije koje ispunjavaju uslove da prijave projekt putem ICMP-ovih obrazaca do navedenog roka za predaju u 17:00 sati po vremenu koje se računa na zapadnom Balkanu.

Kako bi se utvrdila prihvatljivost prijava, ICMP može kontaktirati podnositelje prijave za dodatna pojašnjenja. Dodijeljeni grantovi mogu podlijegati promjenama u odnosu na originalni dostavljeni prijedlo

ICMP zadržava pravo da finansira bilo koji dostavljeni prijedlog, odnosno niti jedan od njih.

Sve prijave moraju sadržati:

- Prijedlog projekta;
- Prijedlog budžeta; i
- Profil organizacije.

Na sljedećem linku se nalaze obrasci za prijavu:

Link: https://icmp.int/wp-content/uploads/2025/10/BCS_forms.zip

Obrasce i dodatne odgovore na pitanja u vezi s ovim pozivom možete zatražiti putem sljedećeg email: Elma.Majstoric@icmp.int



*ICMP-ov Program dodjele malih grantova ZAPADNI BALKAN 2025. godine
finansira Evropska unija*

ICMP.CSI.SG.WB.006.1.bcs.doc
Sarajevo, 27. oktobar 2025. godine